

國家圖書館藏

中華歷史人物別傳集

綫裝書局

緣督廬日記鈔

緣督廬日記鈔

蟬一

癸酉孟夏心葵屬
上海蟬隱廬印行

緣督廬日記抄序

同治庚午余從忙雲朱先生游居正誼書院緣督葉君時過先生齋以文字相質正余始得識君于時郡城士以文學名者蒿隱王君渭漁袁君及君而三余與王君有戚誼而兄事袁君君長余五歲方銳意治詞章為文力追漢魏唐以後不屑學余既已心欽之君旋佐馮林一先生修郡志居盤溪志局與潘參侯管中李蒿隱渭漁諸公相砥厲治漢儒經說旁及金石目錄考訂之學孟晉超羣其願彌宏余雖日侍師門自愧望塵莫及矣君以光緒丙子舉於鄉譽望日隆潘文勤吳憲齋汪郎亭諸先輩爭相延致顧以弟亡母老或屢聘不就或甫就即歸蓋篤內行而澹榮利故甯家居畫菽水歡不願絕裾以赴功名也已丑入詞館同官京朝余與君蹤跡始日密君不通聲氣不驚時名

序

閉戶著書無異寒素酷嗜金石文字山巖屋壁斷楮殘拓珍如性命以余有同好時有會合語不及他嘗喟然曰搜求半世以視青浦陽湖所著錄顧不逮其六七信哉古人不易及迨余視蜀學君赴隴輶兩省石墨時以郵筒相遞贈兩午以後政局日新君任滿告歸遂不復出辛亥之變余遷跡青島君假館滬濱每歸省松楸必過君齋則猶丹鉛不輟余謂著書難本朝嘉道後人則更難獨君之藏書記事語石二編乃二百數十年間無人薈萃之創作文字一日不減此書必永存天壤君亦可稍自暇逸矣君雖飲然而心憂余為知己也孰意不數月而君遽棄此世耶此日記乃蒿隱農部之子君九從君手稿錄出始庚午即余識君之歲終丁巳則與君永訣之秋也其間所記春明舊事皆與余共海王閱肆清秘論文賞析之歡憲憲在目蒿隱中

道卒著述無多有賢子能傳家學朱先生以老壽終僅遺文一編余識而刊之渭漁成進士觀政比部旋卒著書亦未成獨與君相聚最久晚遭患難意契益篤今展此手記則君亦墓木成林可勝慨歎昔亭林顧氏揭兩言為士則曰博學於文行己有恥如君者殆可無愧斯言君觀人論事皆具卓識記中於戊戌知新舊水火之爭將啓陽九元黃之禍於乙巳斷言督撫中項城不足恃惟文忠公升允為社稷臣其燭照若著龜惜乎君之僅以文學見也剗剗既竟君九巧序於余因書此以應之歲在重光協洽仲秋之月既望鈍叟吳郁生序於青島寓樓時年七十有八

序

緣督廬日記為我年文葉鞠裳侍講之遺稿經始於同治庚午閏十月十三日絕筆於丁巳九月十五日即其易簣之前七日也前後四十八年按日記錄偶有間斷亦撮其事之鉅者追書之原本共四十三冊年文易簣之際遺命以一切手稿付及門潘仲午文暨舊幕汪君里台謹藏日記因有藏否時人規誨親故之詞戒勿以全稿示人壬戌癸亥間仲文先輯其詩付梓功未及半仲文遽卒此稿歸之星台踰年而星台亦卒年文之戚王康吉廣文議以未竟事諉之於烈烈雖黜陋顧念年文肖胤早亡高弟繼卒排比遺著後死奚辭爰由仲文從孫博山向汪氏索此日記授烈烈先將遺詩悉為錄出成奇觚頤詩集五卷殺青行世同邑章式之外部亦年文生前文字交也因助校詩集假讀日記謂年文一生為學之要與數十年朝野故事薈萃於茲尤宜輯錄付梓以廣流傳烈心善其言而兵戈徧地遷徙無常扁之遺衍未遑展卷及前歲移家遼東始取此稿次第逐

錄於已梓行之古今體詩及米鹽凌雜往來酬酢無關宏旨之言與夫規誨親朋之失年丈不願示人以傷忠厚者皆節去之成書一十六卷約得原稿十之四題曰緣督廬日記抄烈維年丈外和而內介學博而行修轍跡半天下交游盡當世之賢其為學之勤內行之厚立品之卓藻鑑之明取予之嚴見聞之廣皆見於日記中此一編者非第仰止先賢關心文獻者所宜亟讀欲知近數十年中之學術興衰風俗隆替政治得失皆當於此探求焉式之外部歎為山海之藏取材無盡諒哉斯言書成撮其大旨以告讀者非敢云序也至於剗剗之費公女夫王心葵首先出資校勘之役博山景鄭昆弟任之三君高誼皆不可及云己未重九日年家子同邑王季烈謹序

序

三

緣督廬日記抄目錄

- 卷一 同治庚午至光緒丁丑凡八年
- 卷二 光緒戊寅至癸未凡六年
- 卷三 光緒甲申至乙酉凡二年
- 卷四 光緒丙戌至丁亥凡二年
- 卷五 光緒戊子至己丑凡二年
- 卷六 光緒庚寅至癸巳凡四年
- 卷七 光緒甲午至戊戌凡五年
- 卷八 光緒己亥至庚子凡二年
- 卷九 光緒辛丑全年
- 卷十 光緒壬寅全年
- 卷十一 光緒癸卯至甲辰凡二年
- 卷十二 光緒乙巳至丙午凡二年
- 卷十三 光緒丁未至宣統己酉凡三年
- 卷十四 宣統庚戌至壬子凡三年
- 卷十五 癸丑至乙卯凡三年
- 卷十六 丙辰至丁巳凡二年

綠督廬日記抄卷一同治庚午至光緒丁丑凡八年

長洲葉昌熾著 邑後學王喬

庚午孟冬閏月

館桃花塢貝氏及郡志局纂余任分局中同事十人柳質卿甫

賢府襄廷晉藩施擁百聲書張潤卿瑛沈紉齋清範黃梅先

禮讓袁渭漁寶璣管申季禮耕潘小白世涵其一則周恂卿

夫子也王西山夫子與熾同館貝氏姚鳳生茂才孟起為館

中居停主人均得朝夕過從郡志總纂為馮景亭夫子桂芬

貝館徒兩人一女弟子

十三日補寫玉溪生詩兩頁讀石志一卷為改正舛誤兩條

十四日補寫李集一頁畢讀石志半卷為改正舛誤兩條

十六日讀郡志一卷有奇

讀書解典不解奇字不識附錄于左以備稽考下同

莫 覲

十七日讀石志一卷有奇摘影言三條

髯 穀擊 咸 瞭 綢 熱

嘗 鉤 鈞 頓

城記 霍凌

十九日讀郡志半卷摘影言五條金鑰一條

廿一日讀石志半卷得吳事兩條

篋 鄭 黑 咸

廿三日讀石志半卷

偽 達魯花赤

廿四日讀石志半卷心緒贅亂過目即忘

羽明車班

廿五日讀石志一卷摘影言一則約千餘字

廿八日午後作七律兩首輓張厚甫夜返舍讀黃仲則詩撫卷

興悲潛焉欲涕矣

廿九日晨謁周師午後訪朱怡卿培源論文家宗旨頗多新得

仲冬

初四日周師晨來侍師至局總纂分纂均在質文以崑山歷代

名賢墓志命余編纂

十一日三妹于歸隴西妹倩氏李名文浩余表棣也

十七日夜讀郝經續後漢書兩卷一卷闕從功華城文處借來

十九日讀郝書五卷中一卷闕訪望鄉并晤吳蔚若郁生怡卿

高足也陸鳳石潤庠有柬來

二十日讀郝書兩卷

廿二日晨之館

自三妹于歸居停卜宅奔走旁午不暇操翰雖或偶有流覽

而坐作起輟無足書也明日為始擬改課例單日理經史百

家雙日攻帖括晨臨篆楷夜作鈔胥逢十作時文逢五作散

文

廿三日讀郝書一卷寫董方立駢文一頁

廿五日讀郝書四卷寫董文兩頁

六 齋

廿七日讀郝書兩卷

廿八日寫董文兩頁

廿九日讀郝書四卷寫董文兩頁作跋語一則工竣鳳生寄余冊頁十二幀離臨歐虞顏諸各種清勁渾厚直入諸賢之室信尤物也瓊瑤之報俟之後日

季冬

朔日讀郝書一卷

初三日元夕山世補以小詩相質語頗清雅

初五日之局中分纂除周師中渭外均集并晤鳳石及馮培之

芳植馮師以明年質文北上欲以余承其乏今日議定

邵 懷 智 翌

初七日讀郝書兩卷周師東來邀同人鄧祝會課

初八日選定墨卷三十篇以供帖畢昌黎有言低心逐時趨賢者不免况鄙人乎

庚午

初九日讀郝漢書一卷

初十日鄧祝會課清晨入社二鼓脫稿晤蘊芬夢薇秦石麟毓

麒麟鶴綬章吟燕夢揚汪燕庭也馬繩孫昌頤管立人禮讓

汪子研麟昌

賦題槃圓杆方以規矩方圓之至也為韻詩題江春入舊年得春字

十一日讀郝書一卷

十三日讀郝書四卷謁周師鄧祝會課案潘順之夫子遵郝評

定余取二名師評云非熟于漢魏六朝者不辨馮師屢評余

駢文云神似六朝趙晉卿夫子韵亦云子文無他只讀得漢

魏六朝書熟耳不意三師痴癖吻合若此當作無非事者兩

句題文質諸周師師云飾色處均非凡艷是以六朝為時文

也乃知情志所喻不煩造作蹊逕自合若規規以形迹摹之

恐蹈東家女故轍矣

十五日讀郝書兩卷

十九日至萬年樓茗話晤周師墨懸陸九芝丈恩修撤茗小飲

酒肆更餘返舍携歸夢翁焦桐小單三卷簡端有王芾卿成

炳駢序一首隸事屬辭俱極工鍊其格在尤展成吳蘭次之

間絮之乾嘉諸子尚不及也擬作一首以古淡勝之未知果

否

廿一日讀郝書一卷夜讀郡志

廿八日作賦一篇為劉師捉刀也古情奇氣師見之定當刮目

題 擬孫興公遊天台山賦以赤城霞起瀑布飛流為韻

晦日夜接寵祀井懸祖像昨日祭祖

今年自春徂冬據于疾黎困厄備至惟筆墨生涯則差勝疇

庚午

昔而已明年若仍故轍斷難為情冥心枯索良用悵然

辛未孟春

初一日赴舅氏午宴陪章彩南祭酒游獅子林謁陳公祠園亭

蕭索闕無一人石丈人有知當知我二人非熱客也

初五日讀郝書三卷

十一日讀郝書四卷

也

十四日晨赴餐樂園品茗晤兩師兩鳳陳穎伯世昌撤茗訂踏青

之約午後謁周師侍師訪鳳石偕出閶門登飛丹閣品茗王

師前夢薇後勁飲罷散步春郊衣香鬢影景光綿邈登品

僊樓茶話雲構風檻璘彬綵綵四座諸君皆翩翩車馬衣服

麗都啓牖四望玉壘旌旗畫樓鼓角覺妍媚中兼有雄傑氣

象也日落進城有維僧號于道王師詢之蓋為同寺僧誑逃而棄之半途者師挈入茶樓究其始末語頗合符遂擬送之恤孤局中命熾先歸時月色堂堂然矣

十五日讀郝書五卷寫許鶴巢廬鴈詩契齋駢文始

十八日作王夢薇詩序一首氣息淵雅神似蕭梁諸子帝卿見之其許我乎中有句云臨淄綴簡敢誦敬禮之文青陽屬辭恐塞韓生之鼻鳳石見之擊節數四然其佳處雅不在此廿九日訪鳳石不晤晤九丈與九丈談醫理心頗好之連日沈潛帖括胸次灑灑舉止皆乖然歲試在邇佛脚之計不得不爾也

仲春

初四日午前命役肩箱篋至局旁午赴局晤襄廷小白先生安

記一辛未

五

排床褥書案尚為妥當小白文住園旁還室中余及襄廷共居樓上

初五日讀郝書兩卷

初七日讀郝書八卷

颺 慶 苦 暘 類

十一日購吳江縣志一部路文貞公集一部

十九日午後偕襄廷小峯梅文中李渭漁茗敘錦鳳樓談局中章程其棘手也讀郝書兩卷

二十日同人以鳳石北上朝考祖餞閶門午後席散訪鳳生鳳生以近作相示僭為加墨但未知當否

廿二日之局同事葉苜蓿云吳縣志書擬附局中編輯分纂馮小尹應圖不日住局

廿三日讀郝書一卷

春李

廿七日讀郝書兩卷

十二日讀郝書四卷

十三日讀郝書四卷

十四日讀郝書一卷購湯若士王茂遠兩先生傳稿

十九日霖雨彌日在舍枯坐取山海經讀之環誦數遍頗有心得

二十日至局知馮師書來余與梅丈有採訪之役不日將束裝矣

記一辛未

六

廿一日讀郝書一卷小峯以上海縣志屬鈔申季屬校鈔難校易不如助鈔

廿三日鈔滬志晨興夜輟手晚幾脫

廿四日鈔滬志竣約三十頁校滬志一本

廿五日讀郝書兩卷

廿七日讀郝書一卷

廿九日讀郝書五卷

孟夏

初一日馮師函來命余偕小尹下鄉採訪午後登舟泊衆市橋夜納涼船頭觸景成五律一首率爾為之不甚工也小尹成

七絕一首命小童喚十三都一圖里正王德明詢里境界限初二日清晨即登岸採訪凡道里橋梁壇廟寺觀坊表金石靡

不一一考證約行五六里登舟午餐午後行二十里左右共盡三圖奔走烈日之中踽踽荒草之間樵夫牧豎或以為癡

或絮絮相詰問弗測也讀琉球貢使陳景陽墓志銘重脩虎
嘯塘記 高宗純皇帝宸翰三章諸碑均僊仆草間剔
辭讀之不甚了了游崔君廟廟壁亦有碑記文字俱劣不屑
讀也

初三日曉起登岸採訪終日約行三十餘里盡兩園道訪霽舫
質問疑義茗話三峽泉游三元道院三鄉洞庭君廟問三宿
庵藥王廟金仁山先生祠故址讀盛氏家祠記重建河界塘
記重修三鄉廟三記五碑一仆草中餘尚完好喚渡王家莊
口獨立亂瓦中四顧無人影淒然有感成五古一章夜大雨
舟漏衣被俱溼披衣跣伏達旦未寐

初四日平明舟漏更劇憤甚作五古一章命舟師近棹盤駘
初五日讀郝書三卷

記一辛未

七

初八日讀郝書兩卷周師梅文渭漁均來午後與渭裏擁三君
陪周師游津宮剔草語石評其好醜以竹鶴兩篆為冠云包
子丹司鐸桂生烹茗相餉書室中圖書插架花氣滿庭極饒
幽趣興盡復游前撫署園中亭臺池沼盡態極妍

初九日局期公擬纂修章程馮師命余移研瀆川約廿一日就

道
初十日局期公擬纂修章程馮師命余移研瀆川約廿一日就

十三日晨偕小尹襄廷出胥門登包山航船旁午之瀆川遇
丈商賢母舅由胥口渡湖晚遇風雨泊龜山嘴湖光萬頃與
天相接拳巒環抱若拱若揖奇觀也夜泊鎮華港口登岸訪
袁亦齋先生鍾琳并晤其少君味三同變即借榻其室得五
律一首次小尹韻

十四日蚤起偕襄廷小尹入林屋山游第九洞天所謂金庭玉
柱者邈不可見且天氣陰霽洞中石乳涓涓如滴溜地滑不
能止履臨崖悵望神遊而已洞口有王文恪公題字長白德
公書丙洞二字圖動入晉人之室惜匆匆不及摹搨也沿無
礙泉而左有無礙庵一名九洞庵叩扉入山民採杞杞相餉
山地燥瘠種五穀滿山皆果木也時麥畦乍秋杞杞正熟
如韓嫣彈如熊條九離奇錯落凹凸皆是客之所至恣其飽
嗽特須主人自採之否以為竊也訪羽士梅僊闌徑止宿命
僕肩行李至觀重訪味三偕游包山夾路樹木陰翳不漏日
影游顯慶禪院寺像蕭梁年所建庭中有石幢四面皆書梵
經唐人手跡也寺僧德源供杞杞并烹碧螺春餉客色香味
俱佳出廟頭囑書四人各書一方即景聯五古數十韻薄暮

記一辛未

八

欲游毛公壇雨阻未果冒雨返靈祐觀沽酒對飲夜蚊市極
盛幾不能睡成七律二首襄廷小尹味三均賜和

十五日午後偕小尹襄廷游石公山自梧岡迤邐入山達歸雲
洞洞中供大士及諸菩薩像大士像側立曇華妙鬘莊嚴無
比洞壁亦呀呬奇絕遠節烈祠至石公禪院上斷山亭來鶴
亭石壁千仞題曰礪齒望太湖煙帆浩渺如在几席間湖中
諸山亦歷歷可觀寺僧念心邀至清譽堂小坐并留宿意極
款曲杞杞為諸山之冠白實而孤核其甘如蜜惜念心寶之
不復更進也夜復登來鶴亭星斗泯漾湖風襲人峭崖叢木
間礪礪然飛而過者鵲也稍坐捫蘿下山入禪房小飲成七
律一章夜即宿山中

十六日晨繞石公山而東石公石姥在焉兩石列峙湖濱俱似

老人鵠立狀公姥之稱信不誣也望一線天四面皆亂草無上山路遲也最高處鐫二字曰雲梯旁鐫四字曰縹緲雲聯又有一大壽字方尋丈筆勢雄厚顏平原之傳也下山由舊路返靈祐觀午後復探林屋洞赤脚撩衣蛇行入數武許水將沒蹀因出洞登山之絕頂山石皆給訝中立裂紋相懸尺餘人跨其上失足則深淵無極不知墮落何所矣望山中村落了了在目味三繼至亦登山徘徊一時許返寓

十七日晨由前舟渡太湖中流風雨大至泊香山支港登岸買錫糕數片嚼之風息冒雨開舟夜泊木瀆鎮蜷曲而睡困憊萬狀成五律一首疊前均小尹主僕獨留山中

十八日晨達胥江泊舟進城

二十日南宮信至長元脫科吳縣中汪哲人昌一人趙王兩師

記一辛未

九

捫擋入都頗為艱苦而偃蹇如此何以為情一再思之不禁淚浪浪下也

廿二日小峯以晉唐法帖數本相示蓋友人託售者物甚佳而價極昂恐不能得也追想湖中遇雨之苦成五律一首

廿四日讀郝書四卷

廿五日午後侍師赴瀆川登岸未日落也安置書案與申季聯席與春波丈聯床

廿六日終日校府志夜讀郝書半卷校邠師以舊志星紀圖歲差度數不合命熾刊正而儀象諸書夙未流覽開卷茫然不辨是否師為親自校正熾惟承口授數語籤出而已一物不知儒者之恥能無汗顏

廿七日終日校府志夜讀郝書半卷

廿八日終日校正府志以後日課校府志
三十日作律師兩首古詩十三首

仲夏

十三日讀郝書一卷

十四日夜讀郝書兩卷

二十日訪醉丈文以綠蘿山莊文集相贈

廿一日夜讀郝書一卷

廿四日讀郝書一卷夜有星隕于西北光燄燭天

廿五日夜有流星色紅有聲

廿七日襄廷有函來知管洵美先生於昨日作古可勝感喟題顧樂泉坡仙琴館圖五古一首為校邠師捉刀也讀郝書一

卷

記一辛未

十

廿九日讀郝書一卷

三十日讀郝書一卷

季夏

初一日趙師來附師舟返舍得五律一首

初二日晨訪質丈申季渭漁皆晤之中季哀毀頗異曩昔

初四日讀郝書一卷

十一日代校邠師作七絕兩首讀郝書兩卷

十二日讀郝書兩卷作史論一則

十三日讀郝書一卷

十四日讀郝書一卷

十六日讀郝書一卷

十九日作五古一首寄薛以莊索和

廿二日讀郝書一卷

廿四日作朱孝子序贊頗不俗

廿六日讀郝書一卷

廿八日作秀水王秋樵墓銘一首校邨師命作也

廿九日讀郝書三卷

孟秋

初四日讀郝書一卷

初七日讀郝書一卷

初九日讀明人小說十餘種

廿二日讀郝書一卷

廿三日讀郝書兩卷

廿四日讀郝書兩卷

記一辛未

廿七日讀郝書一卷

廿八日讀郝書二卷

仲秋

初五日檢點師友尺牘大都此邦之矯矯者而破壁飛去卒渺其人天為之乎時為之乎不禁三歎

初七日讀郝書一卷春文進城襄丁祭事僕艱于跋涉乃爾退

縮甚自歎也

初八日讀郝書兩卷

廿二日侍大人叔父掃墓泊舟行春橋畔石湖先生祠已重建完好如舊治平寺亦架棟矣

廿三日得校邨師書聞襄廷竟不起且驚且悲不禁淚浪浪下也余未冠時同院肄業諸君太倉王翰臣廣嵩最先殞乎之

繼逝襄廷今又死矣襄廷於同輩中才名尤卓絕詩古文詞以迨訓詁帖括無不工性尤峭直余近年來益友無踰襄廷也春文怡卿亦相對潸然

季秋

初一日讀郝書一卷

初九日培之約登高同行者八人惟潛園主人錢君蘊藉無踪氣吳竹亭亦純厚長者先游無隱庵庵在仰天山麓俗所謂馬鞍山也山衲烹茗餉客供風雨梅甘脆清雋名品也觀錢武肅金塗塔搨本錢樸溪題壁詩石刻登樓四眺遠景在目因思昔年偕襄廷鳳石鴻渚同登此山老僧鹿苑談話彌洽今襄廷赴玉樓鹿苑亦圓寂虹渚鳳石南轅北轍天各一方而僕又踽踽作轅下駒傷今懷舊悲來填胸矣下樓茹素起

記一辛未

十二

果腹遶山行登天平山下白雲山衲法清出款客觀仙人跡鉢孟泉鸚鵡石時秋寒未作滿山楓葉不過數點紅也稍憩登中白雲一線天余興致方勃勃不可遏而暮色蒼然諸君亦力倦思返矣獨升數十級下山循下沙塘到館已薄暮矣十二日讀郝書四卷終此書自去冬展卷課杪讀之今纔一周耳甚矣讀書之遲也

十四日代校邨師作七律兩首

十五日讀馮贊南部煙花記終卷

十六日讀粧樓記北里志均終卷讀商子兩卷讀教坊記二十日附堂船下瀆出盤門口號一絕

廿一日偕申李伯淵游潛園叢樓古木彌望青蒼撲茂之致

廿二日讀商子

廿三日讀商子代校邠師作駢啓一首

廿四日讀商子終卷

廿五日讀文子道原一篇

廿六日讀文子數篇

廿七日讀文子自然一篇

廿八日讀文子終卷

廿九日讀通隱堂詩

晦日復讀文子自然上德兩篇

孟冬

初一日偕申季春文伯淵游澗上草堂門外澗水如帶阻絕人踪申季振衣先進余繼焉鞢履皆濕入祠瞻徐侯齋吳稽田戴南枝三先生栗主讀文柱碑記歸途丹楓翠壁迢遞如畫

記一年未

十三

令人神移夜成七律一首申季有和作

初二日鳳石自春明旋里喜極造訪不值

初七日讀更生齋乙集第卿來定志局館

初八日讀洪稚存集

初九日讀洪稚存集校邠師命撰李協揆壽序構思數日矣大

局粗定而詞句尚待研鍊也

初十日偕申季撰定清單移縣開取公牘可備修志採擇者逐

條細詰無異策問

十一日偕春文申季游周氏廢園桑竹陰翳池寬一畝極開曠之勝池邊猶有舊時疊石痕也

十四日成壽序半篇

十五日壽序成購古文詞類纂一部直錢一千一百五十八文

十七日購駢體文鈔一部此書為駢文家所必不可缺余欲購數次矣囊匱而止得之頗未易也

十九日余以境地艱迫告助友生為四總會每總四人每人五千文合一百千文三月一舉第一期於是日舉行

二十日讀吳越備史一卷

廿二日讀吳越備史三卷全

廿三日讀尚書大傳一卷

廿四日讀尚書大傳二卷

廿五日讀大傳兩卷并考異補遺全

廿六日作連珠八首輓柳節母余太孺人讀賈長沙集半卷

廿七日讀賈長沙集全

廿九日讀司馬文園集

冬仲

記一年未

十四

朔日讀文園集

初七日讀錢梅溪履園叢話

十二日讀文園集全讀膠西集數首

十三日讀董膠西集全

十四日讀劉向列女傳四卷

十五日讀列女傳四卷全

十六日讀汪子文錄兩卷

十七日讀汪子文錄一卷

廿二日讀汪子文錄

廿四日讀汪子文錄竟

廿六日讀東方朔集

廿七日讀東方朔集竟

廿八日讀阮元定香亭筆談

廿九日讀吳翊鳳東齋臆語朱象賢聞見偶錄

冬季

初一日讀聾道人燕都識餘又褚少孫集半卷

初二日讀褚少孫集竟又山陽錄書事七則

初三日覆讀褚少孫集

初四日讀王子淵集

初五日讀王子淵集

初六日讀劉子政集

初七日讀劉子政集

初八日讀揚子雲集

記一 辛未

初十日讀吳越春秋

十一日讀吳越春秋揚子雲集

十二日讀劉子駿集偕春文中李伯淵訪張永夫先生墓摩挲

石碣徘徊久之登靈巖山望太湖全湖在目余前所作詩未

能寫及萬一也三君皆不能從立山下以俟歸作詩一首

十三日讀馮曲陽集

十四日讀漢書馮衍傳班孟堅集

十五日讀班孟堅集作駢序一篇代校邠師也

十六日讀班孟堅集

十七日讀張平子集

十八日讀張平子集

十九日午後登樓望晴雪作詩一首

二十日作嶺上白雲集序未知能與怡芾兩君頡頏否

廿二日讀張平子集

廿五日詩序呈政九芝先生似甚不愜意者余文誠不足以動人也

廿八日讀清容居士集

廿九日讀清容居士集

壬申孟春

初三日讀清容居士集李斯刻石數首

自後至癸酉九月皆失記特略書其事之大者於左 二月

移局桂隱園住局四人潘梅生文錫爵及質丈芾卿其一余

也申李仍留師處 八月學使者案臨余詩古取九名科試

四名覆試改三名怡卿襄卿舉拔萃科 十月娶婦王氏

記一 壬申

十六

癸酉正月偕芾卿夢徽游光福鄧尉諸山宿柏因社得詩二

十餘首移局馮氏新居 四月芾卿辭志局館應京兆試

八月赴南京應試 九月報罷鳳石蘊苓醉文舉京兆試

十月質夫進城看各省通志不住局

癸酉孟冬

初一日午後芾卿自燕歸來訪把晤喜極

初三日芾卿有書來取去局書一箱託余至金陵買得者

初七日購撫古遺文一部泉五百文

初八日夜校史記

初九日夜校史記

初十日夜校史記

十一日夜校史記

十二日代校邠師作七古一首題李中丞桂夜校史記

十三日夜校史記錢氏史記拾遺

十四日夜校史記王文格震澤長語畢

十五日夜校史記自月朔為始日寫魯公書七十字作為日

課

十六日午後偕同人訪徐文敏公續墓石碑已為人盜去僅存

碑額及屬壘而已又登螺姑嶺山勢絕平坦然升降猶需人

扶掖足力不濟無過余矣夜校史記敬齋石笥山房集

十七日夜校史記石笥山檢李中蒼先生集

二十日代培之作七律一首題盛省夜校史記王本毛本對

廿一日觀美國士人禱理哲地球說畧亞細夜校史記表

記一癸酉

十七

廿二日連日讀儒先書冀以收束身心而橫逆之來仍悻悻思

逞即強自消過而纏繞中懷終難自然融化此固氣質之偏

亦涵養工夫全未體會也謹書于此以後當觸目警心勿涉

故態

廿三日夜校史記漢興以來

廿四日夜校史記漢興以來

廿五日夜校史記高祖功臣

廿六日夜校史記高祖功臣

廿七日代校邠師作七古三十三韻和丁雨夜校史記高祖功臣

表

廿九日夜校史記惠景間侯

三十日夜校史記建元以來

仲冬

初一日夜校史記建元以來

初二日渭漁送鄉試落卷來十三房梁傷年薦堂備房批氣盛

言宜情文並茂次三亦見才華詩穩二場才力縱橫排舉識

趣淹博宏通三場條對詳明元元本本堂批文成法立而筆

機活潑時見才思詩意體諧適審其情形似係額溢見遺豈

所謂有命存耶

初四日世經堂送書來國學紀聞湖海文傳五音韻譜四憶

堂詩集共費洋三元八角并貼免園冊廿部

初八日訪節卿談志

初九日夜校史記漢興以來聞浙中新科孝廉某以因奸致

死事斥革可謂奇絕

記一癸酉

十八

初十日補抄呂覽一葉辨上夜校史記書

十一日補抄呂覽一葉審時夜校史記書

十二日補抄呂覽一葉審時夜校史記書

十三日嚴寒晨起硯池冰凍不能作楷改校史記夜仍校史記

書樂

十四日寒益厲表僅三十分始見冰箸門外河水涸冰寸許晨

夜校史記書

十五日寒益甚表僅二十七分晨校史記書

十六日寒如前校史記書

十七日大寒表縮至二十四分十餘年來僅有之冷竟日曠課

十九日午後登三層樓瞭遠四山環抱井畧分列一鎮室廬皆

隱隱在目中兩山鱗處恍惚露太湖一線徘徊登陟頗足暢

滌襟抱夜校史記官聞鄉人言太湖中流有二舟膠於水

其一得救寒餓死者五六人其一離岸更遠不能赴救當無

子遺矣蓋今年奇寒五六十歲人皆謂身所未經亦災異也

二十日天氣稍和晨起仍改作楷書夜校史記天宮

廿五日聞官軍收復甘肅省城左奉高制軍進位協揆由乙楊

入相本朝第一人也夜校史記封禪

廿六日夜校史記封禪書
之精者過于眉端詳

廿七日夜校史記封禪書

季冬

初一日元夕山惠玉句草堂本社詩一部至世經堂觀書數種

頗合意惜以價昂不能得

十七日夜校史記封禪書連日以精神疲倦曠課靜攝至今始

記一癸酉

十九

復舊課

十九日夜校史記平準書

二十日整理架上書頗覺清爽豁目影寫說文韻譜兩頁補讀

長卿難蜀父老文薛元卿隋高祖頌

廿一日為景師整理書籍約二十架分經史子集四部偕中李

伯淵兩人自朝之暮僅得小半功夫然已不勝其僂矣連奉

樛園兩函知其令祖也魯先生作故

廿二日理書竟日籤排鱗次楚楚可觀矣讀樸學齋文

廿七日得儀鄭堂叢書一部價洋七元重訂叢稿

廿八日夜校史記吳世

廿九日夜校史記齊世

三十日夜校史記魯世家
管蔡世家
燕世家
何例逢除夜必出尋友茗譚今

年獨未出門創例也

甲戌正月

初一日校史記陳杞世家錄舊作數首

初二日夜校史記宋世

初三日夜校史記晉世

初四日夜校史記楚世

初五日夜校史記越世家勝舊作

初六日夜勝舊作

初十日夜校史記趙世

十一日偕梅丈採訪竟日惟善慶寺僧再松可與談

十二日夜校史記魏世家田完世家

十三日夜校史記世家

記一甲戌

二十

十四日夜校史記陳涉世家

十五日採訪半日竟吳越坊一段

十六日夜校史記世家

十七日午後偕二弟採訪夜校史記楚元王世家

十八日夜校史記陳丞相世家

十九日夜校史記五宗世家

廿一日晨下瀆局中添賦秋節卿兩人俱需三月後到局

廿二日夜校史記吳江縣志

廿三日夜校史記道觀夜校史記
過批疑

廿四日夜校史記僧志

廿五日夜校史記吳江志續夜校史記過批

廿六日夜校史記吳江志續夜校史記過批

廿七日校府志夜覆校史記世家

廿八日校府志無門表夜覆校史記世家

廿九日校府志夜校史記梅丈夜飯後陡犯中風至寅正竟不起可為駭歎

仲春

初二日觀南宋雜事詩

初三日校府志

初四日校府志

初五日校府志煙水

初六日校府志夜觀段柯古酉陽雜俎

初七日校府志

初八日校府志太湖

初九日附伯榮舟進城夜觀白石道人集

初十日申季合卷

十八日購岳珂程史一部史林測義一部直錢一千二百文

廿二日得石印四方其一為崧甫先生物擬贈蔭南

廿四日午後下瀆至橫塘有石灰船為風所激碎于石一舟之灰盡沈于水橋左右波浪鼎沸魚蝦無噍類可為無妄之災

矣

廿六日纂府志夜讀酉陽雜俎

廿七日纂府志

廿八日理九縣守取事宜

廿九日午後進城

季春

記一甲戌

二十一

初一日學憲獎賞送近思錄小學制藝各一部

初二日讀姜白石集

初三日讀白石道人集終卷

初六日竟日編說文

初八日夜理說文

初九日理說文午後赴瀆

初十日校府志

十一日午後理府志

十二日理府志春丈申季賦秋先後來又徐愛杉丈熟熟亦於是日到局即移卧具至舊居五人同室頗不寂寞

十三日讀杜工部集

十四日理府志

十五日理府志夜讀工部集

十六日理府志讀杜集

十七日理府志

十八日理府志夜讀工部集

十九日理府志

廿一日理府志夜讀工部集

廿二日理府志

孟夏

初一日理府志

初七日校邨師病重

十三日景師於卯刻竟不起不勝山頽木壞之感

廿八日讀駢體文鈔

記一甲戌

二十二

廿九日讀駢文略加眉註

仲夏

初十日觀陝西通志

十一日觀各省通志夜讀酉陽雜俎

十二日初作隸體自後隸楷兼寫校各省通志觀酉陽雜俎

十三日校各省通志

十四日校各省通志聞正誼山長聘定蔣心香先生

十六日校各省通志

十七日校各省通志夜讀酉陽雜俎愛文出示陳滄洲墨蹟及

明人尺牘數種

十九日偕同人妥議志局章程勒限明年五月底完書自後當

拋棄一切專心從事於斯矣志局新聘定趙晉卿先生

記一 甲戌

二主

二十日寫說文部首歌校各省通志竟

二十一日續完部首歌寫志局章程

二十二日理府志

二十三日理府志成崑山壇廟目錄

二十四日理府志成新陽壇廟目錄

二十五日理府志成常昭兩縣壇廟目錄夜看駢體文鈔

二十六日理府志成江震兩縣壇廟目錄

二十八日補壇廟目錄

二十九日補壇廟目錄

三十日補壇廟目錄

季夏

初一日補壇廟目錄

初九日讀管子幼官篇

初十日偕芾卿同舟下瀆在城見尉文琅囑理諭載臺事頗悉

日本之中將為西鄉從道調停者為柳原從中唆使為美人

李讓禮近聞大修戰具和與戰事未可知也

十一日補壇廟目錄

十二日購歷代輿地沿革圖共計二十張錢六百三十文

十三日纂府志

十四日纂府志

十五日纂府志

十六日纂府志

十七日纂府志

廿三日纂府志

記一 甲戌

二十四

廿四日纂府志

廿五日纂府志

廿六日纂府志

孟秋

初一日午後聞春文訃駭絕春間某文死秋來春文亡者舊凋

零真堪慨歎

初六日購禮記偶箋周易補疏羣經補義各一部錢六百文又

文心雕龍一部洋三角

初七日購家語疏證一本四書據餘一部直洋一元

初九日讀許氏巾箱集

十五日芾卿以瘡疾上城至潘文璠官於頽牆蔓草之中拈香一拜懷舊之思能無黯然夜校史記三卷此事束置高閣將

一年矣今以志事之暇開卷重理不啻復見良友也

十六日校史記

十八日長子生時名之曰貼文

仲秋

初二日午後訪吳立三同門託以長洲采訪事

初八日午後偕賦文申季同至山前閒步并謁節孝分祠壁間

有宋禹庭碑記默記數行以歸

自初九日以後以瘧疾失記者四旬有奇

季秋

廿三日夜鈔愛文所集說文檢字十四日起至今日

廿四日至濟善堂寫崇政橋工記夜讀顧幼庚詩清雄豪邁自

是近來作手其倚聲數稼軒亦復不俗

記一甲戌

二十五

廿五日同人約游天平諸山已刻放舟停上沙畢尚書墓前至

無隱庵烹醪小酌復至天平積水阻道迂路由高義園登上

白雲山僧法清為談寒山法螺之勝即鼓興往遊越嶺數重

始至道旁如城壙屹立趙凡夫馳煙驛也水聲潺湲從四山

來者千尺雪也惜俱已荒廢僅存垣基而已法螺一離僧應

門烹泉相餉味極甘冽徘徊半時許復由三遷橋下舟返局

已九下鐘矣弔卿自城來亦搬住樓上

廿六日夜讀穉威文

廿七日夜讀穉威文

廿九日弔卿游鳳巢無濟勝具不能從也

孟冬

初一日從中季借商子五卷照錄一本即於是日始

初七日鳳石夫人游街傾城縱觀僕病未能也

十一日觀張硯孫思補過齋隨筆乃其為閩中學幕時日記敘

次之中間以小詩又多詼諧語頗足消人悶懷

十二日觀錢乙生適秦日記於關中金石尚留心采錄

廿二日讀閻百詩先生年譜平定張穆所編搜羅頗富此次亦

有體法

廿三日前所作犧尊考質諸弔卿以兩歧為病急改之

廿八日寫商子畢共五十頁此書為嚴鐵橋校問經堂本余從

申季處借得之手鈔一過

廿九日從伯淵借太元經影鈔一部即於是日始

十一月

初七日永宜來三次未晤贈其令祖所著書兩種周官朱註解

記一甲戌

二十六

通論

十二日讀松崖筆記校光福志徐傳編

十三日前寫定商子重校一過

十四日校商子畢改正二十餘字 讀枝山野記

十五日看許聖閣志凌壽祺編

廿七日前託弔卿從劉泖生處乞得鄧析子一本寒窗無事細

閱一過其篇中用三人成虎眾口鑠金等句皆秦漢人語知

其偽也

廿八日校管子案頭有宋翔鳳管子識誤即錄于眉端

十二月

初一日錄管子識誤畢

初三日錄過庭錄數則